

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XXIX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

lescentem, patri etiam tuo notum esse arbitror. De Formula concordia lætor, eam tandem isthuc comprobatam esse. De Edone verò scire velim, an grata ipsius reculario Electori & aulicis illius Doctoribus existimetur. Bremæ unus supererat nostræ Confessionis adjunctus minister, Jodocus Calaneus, qui solus in illa urbe Formulæ subscripsit. Illi remoto, Christophorus Pezelius vel Widebunus (ambo enim Bremæ fuerunt) succedere dicitur, fremente & indignante archiepiscopo, qui tamen Senatui & civibus in urbe consentientibus adversari non potest. Controversiam cum Matthia Bergio, cujus meministi, sopitam esse intelligo. Inter Kemnicium & Jacobum quid agatur, planè ignoro; neuter enim ad me scribit, nec per literas, inter absentes à tanto intervallo distitos, effici quidquam potest. Spero autem ipsos pro pietate & sapientia sua, quid extrema nostrarum ecclesiarum necessitas flagitet, consideraturos esse. A Pontificiis, qui speciosissimè nobis discessionem à primo confessionis Augustanæ sensu in multis articulis objicient, ferè magis quam à Sacramentariis, Formulæ metuo. Lycophroni illi Neapolitano Patrem tuum respondere nuper scribebas, tametsi optarim, communi ecclesiarum nostrarum nomine Apologiam gravem & nervosam procacibus illis opponi: nisi Herculeo vel Lutherano robore prædita sit. Ego ut gregarius aliquis miles meo loco operam conferre non recuso. Benè vale. Quod de Rege Daniæ & Edone scribo, à me profectum dici nolim. Sed totam epistolam lectam inflammabis. 24. Septembris.

Cujus manum & animum nosti.



X X I X.

(Erasmo Marbachio.)

S. D. Reverende & Clarissime Domine Doctor.

Filiam DEI ἀρεσάμων σουτήρα ἰνὴ ἐσεῦ ἤδη τίςτωι, à cujus Genethliis, quæ salutis nostræ exordium fuerunt, Anni etiam principium in ecclesia ducimus, toto pectore precor, ut Tibi & clarissimo Patri tuo, optimè de ecclesia merito, & toti ecclesiæ & Reipublicæ vestræ Annum felicem, tranquillum & salutarem tribuat, & nos omnes gubernet, doceat & servet. Apud nos epidemia lues, per totam Europam, ut intelligo, vagata, mense Octobri tum alios in hæc urbe, tum verò filiam meam Sophiam sustulit, ita ut septem jam liberos, in cœlestem patriam, brevi subsequiturus, præmiserim. Quorum Epitaphia in unum libellum collecta, fratri Philippo Heidelbergam ante aliquot dies misi.

L I I I

De

De totius familiæ vestræ, & ecclesiæ ac Reipublicæ statu, cupio, per hunc tabellarium rectâ ad nos rediturum, ex tuis literis cognoscere. Tragediam Marianam, in qua tot optimates, de ecclesiâ optimè meriti, sicis maledicentiæ illius publice jugulantur, miror à magistratu non tandem componi. De rebus à Polonia Rege in Moscovia superiori ætate gestis, literas adjunctas mitto. Et DEUM oro, ut ecclesiis & politis nostris pacem salutarem tribuat, & tneatur. Benè vale. Die Brumæ. Anno 1580.

Manum & animum nosti,

(Chytræi.)

XXX.

(Philippo Marlachio.)

S. D. Reverende & Clarissime Domine Doctor, compater carissime.

Qui has tibi exhibet, David Razius, adolescens ingeniosus & modestus & feliciter in tua patria institutus, sororis meæ filius est, cui locum inter Illustriss. Electoris Palatini alumnos in Domo Sapientiæ, à Senatu Ecclesiastico datum esse nuper scripsisti. Beneficium hoc tua potissimum intercessione, diligentia & fide ipsi impetratum, grata mente & voce perpetuò agnoscemus, & te, velut alterum parentem, ille colet & observabit. Nec dubito, te Duce, eum præclaros in studiis progressus facturum esse. Exhibebit tibi septem liberorum meorum Epitaphia, inter quos secundus est David, cujus tu baptisimi testis fuisti, quem præ cæteris vides, bonis versibus Græcis & Latinis ab amicis ornatum esse. Superest unus filiulus Ulricus, qui me oblectat, quamdiu DEO visum fuerit. Filiæ duæ, altera Frederico nupta, altera Juveni cuidam Suevo brevi desponsanda. De senis parentis tui valetudine & totius familiæ vestræ statu cupio ex tuis literis cognoscere. Herculeum illum *μαρτύρον*, vel potius Marium, in extrema senecta tumultuantem, & optimum quemque maledicentiæ suæ sicis jugulantem, à magistratu Reipublicæ non compeSCI miror, cum alioquin sapientes politici etiam *μικροῖς* in speciem *μεταβελῶν καὶ διχουσιῶν δόχῶν* præcidere jubeant. Uratislavia quidam amicus Antimarbachium etiam se mihi missurum pollicetur. Nunc Frischlini spongia & Jacobi Andreae responso, quod pararia audio, magis ille irritabitur. Cujus tamen maledicentia vix ultra, quò jam progrediatur, habet. DEUM oro, ut tristibus hisce vulneribus nostris medeatur & nos gubernet & doceat. Rostochii. Die Brumæ, 1580.

David Chytræus.

XXXI.